

Rietveld Aruba ta habri pa inscripcion

ORANJESTAD- Na februari e curso preparatorio lo cuminsa na Aruba cu ta un introduccion pa e Bachelor of Fine Arts and Design na e academia di Bellas Artes y Diseño Rietveld Aruba. Despues di caba e curso preparatorio exitosamente, automaticamente e estudiante lo wordo admiti pa e prome aña di e Bachelor cu lo ta un aña cu materianan general. E curso preparatorio ta encera 30 siman, den cual tin les 4 dia pa siman pa un mita dia, atardi. E programa lo wordo duna pa varios maestro Artista di Aruba y di Rietveld Amsterdam y ta consisti di tres modulo y tambe teoria. Si e estudiante ta den examen klas of examen klas di EPI, IPA, Colegio Arubano, International School, Ibero America Highschool of de Schakel e ta wordo curasha pa inscribi na e curso preparatorio aki.

E Bachelor of Fine Arts and Design lo cuminsa e siguiente aña escolar 2014-2015. Despues di e aña general e estudiante por scoge su especialisacion dentro di e dos programanan aki. E aña general lo ser sigui pa tres aña di estudio mas profundo y avansa.

Rietveld Aruba ta siña y prepara estudiante hoben y cu talento pa funciona indepen-

dientemente y pa ta un inspiracion den e area di arte y diseño den sentido amplio pero tambe cu specialismo di ta desea esaki. Esaki ta areanan cu ta bira mas y mas importante den nos mundo actual y den futuro. E academia ta aprecia y respeta e individuo cu ta expresa, experimenta y ta gusta descubri. Rietveld Aruba tambe ta curasha e estudiante pa ta consciente di su medio ambiente, pa ta habri pa otronan y involvi cu su comunidad.

E academia ta situa den un edificio monumental recientemente renoba den centro di Oranjestad. Pa medio di Aruba su clima, seguridad y hendenan ameno e isla ta inspira innovacion y creatividad. Su comunidad multicultural y multilengual y su orientacion internacional ta crea un espacio perfecto pa e sector creativo y mentenan creativo. Aruba ta un pais di oportunidad y ta desaroyando un ambiente fuerte artistico, creativo y innovativo.

Esaki ta bo oportunidad pa ta parti di un comienso nobo. Laga arte renoba bo!

Pa mas informacion, por favor contact stichting.rietveld.aruba@gmail.com y bishita www.gerritrietveldacademie.nl ☐